

ԱՆՎԵՋԵՐ ՀԵՂԱՓՈԽԱԿԱՆԸ

(Սուրեն Սպանդարյանի ծննդյան 100-ամյակի առթիվ)

ՌԵԿԻԿ ԵԶԵԿՅԱՆ

Սովետական ժողովուրդն օրինական հպարտության ու երախտագիտության զգացումով է հիշում լենինյան գվարդիայի աննկուն մարտիկներին, պրոֆեսիոնալ այն հեղափոխականներին, ովքեր հերոսական անմար էջեր են գրել ինքնակալության դեմ մղված պայքարի տարեգրության մեջ: Բարձր գնահատելով հին աշխարհը գրոհող հեղափոխական լենինյաններին, Լ. Ի. Բրեժնևն ասել է, որ գնալով ավելի ու ավելի լրիվ է բացահայտվում նրանց սխրանքի վեհությունը¹: Լենինյան այդ համաստեղության պայծառ դեմքերից է պրոֆեսիոնալ հեղափոխական, հավատարիմ լենինյան, հրապարակախոս Սուրեն Սպանդարյանը: Ինչպես իր սերնդակիցներին, Ս. Սպանդարյանին նույնպես բաժին ընկավ մաքառումներով ու պայքարով լի փոթորկալից կյանք: Ամենուրեք, որտեղ ապրել, շնչել ու գործել է Ս. Սպանդարյանը՝ Անդրկովկասում, Մոսկվայում, թե հեռավոր Սիբիրում, միշտ հավատարիմ է մնացել ընտրած գաղափարին. անձնազոհաբար ծառայել է ժողովրդի ազատագրման վեհ գործին:

Ս. Սպանդարյանը ծնվել է 1882 թ. դեկտեմբերի 15-ին՝ Թիֆլիսում: Սեբրը դեպի գիրն ու գրականությունը նրա մեջ արթնացել է վաղ հասակից: Դրանում մեծ դեր է խաղացել նրա հոր՝ «Նոր դար» թերթի խմբագիր ու հրատարակիչ, հրապարակախոս Սպանդար Սպանդարյանի ընտանեկան ու գրական միջավայրը:

Դեռևս Թիֆլիսի գիմնազիայում ուսանելիս Ս. Սպանդարյանն աչքի էր ընկնում արտակարգ ընդունակություններով: Նա ծայրաստիճան ընթերցասեր էր. «Գրքերը լսիմում էր ուղղակի մի շնչով»²,— վկայում է նշանավոր հայ վիպասան Նար-Դոսը, որն այն տարիներին աշխատում էր «Նոր դարի» խմբագրությունում՝ որպես քարտուղար:

Ս. Սպանդարյանը կարդում և ուսումնասիրում էր գեղարվեստական, պատմափիլիսոփայական գրքեր: Դա նշանակալից դեր է խաղում նրա մտավոր զարգացման գործում: Շուտով նա բուռն հետաքրքրություն է դրսևորում դեպի հասարակական-քաղաքական կյանքը, վերլուծում և գնահատում տեղի ունեցող իրադարձությունները:

Գիմնազիայի բարձր դասարանում Ս. Սպանդարյանը կապվում է սոցիալ-դեմոկրատական կազմակերպությունների հետ, ընթերցում ռուս հեղափոխական դեմոկրատների աշխատությունները: Այդ շրջանից էլ նա սկսում է ծանոթանալ մարքսիստական գրականության հետ, տարվում հեղափոխական աշխատանքով և ակտիվորեն մասնակցում ՌՍԴԲԿ Թիֆլիսի կազմակերպության գործունեությանը: Այստեղ էլ 1901 թ. Ս. Սպանդարյանը մտնում է ՌՍԴԲԿ շարքերը:

Ավարտելով Թիֆլիսի արական գիմնազիան, նա 1902 թ. մեկնում է Մոսկվա՝ բարձրագույն կրթություն ստանալու: Նրա ուսանողական կյանքի հիշարժան տարեթվերից է 1903 թվականը. այդ ժամանակից Ս. Սպանդարյանը նվիրվում է բոլշևիզմին:

1 Լ. Ի. Բրեժնև, Լենինյան կուրսով, հ. 2, Երևան, 1970, էջ 101—102:

2 Միլ հայկական մասնաճյուղի արխիվ, Ս. Սպանդարյանի ֆ., գ. № 610:

Համալսարանական ուսումնառության տարիներին ՌՍԴԲԿ կազմակերպության տեղական կոմիտեի նախաձեռնությամբ նա պրոպագանդիստական աշխատանք է կատարում Մոսկվայի «Դուկա» կոլլեկտիվի ծխախոտի գործարանի բանվորական կոլեկտիվում: Այստեղ նա լայն գործունեություն է ծավալում ուսանողության բաղձամարդ ցույցերի կազմակերպման, բոլշևիկյան թոռացիների տպագրման ու տարածման գործում: 1904 թ. դեկտեմբերի 6-ին Մոսկվայում տեղի ունեցավ ուսանողության վիթխարի ցույց, որի ուվանգարում էր նրա կազմակերպիչներից մեկը՝ Ս. Սպանդարյանը: Այդ մասին նա հորը գրել է. «Դուք երևի արդեն կարդացած կլինեք Մոսկվայի դեմոնստրացիայի մասին... Դա ահռելի բան էր, գրանդիոզ, Ցավալին այն է, որ մի քանի ուսանող և ուսանողուհի սպանված են: Շատերը վիրավորված...: Չեմ թաքցնում, որ ես մասնակցեցի, բայց հաջողաբար անվնաս դուրս պրծա...»³: Հեղափոխական երիտասարդության վիթխարի ելույթը ճնշելու համար ցարական կառավարությունը ոտքի է հանում հեծյալ կազակների հատուկ զորամասեր և դաժանորեն պատժում ցույցի մասնակիցներին: Լուսավորության մինիստրի հատուկ հրամանով համալսարանը ժամանակավորապես փակվում է:

Շուտով Ս. Սպանդարյանը ժամանակավորապես մեկնում է արտասահման, 1905 թ. ապրիլին անցնելով Գերմանիա, հաստատվում է Հայդելբերգում՝ իր համալսարանով նվիրված հոշակված բաղադրում: Հայդելբերգում Ս. Սպանդարյանը, ստանալով համալսարանում դասախոսություններին ունկնդրելու իրավունք, խորացնում է գերմաներենի իր գիտելիքները: Շատ շուտով նա գիտելիքների հարուստ պաշարով հիացնում է մտերիմներին: Ոսկի Տեր-Հովհաննիսյանը վկայում է, որ ամենը հիացած էին նրանով, «...նամանավանդ, որ ինչ գրքի մասին խոսում են, Սուրենն արդեն կարդացել է... ճշմարիտ է, ինչ հիանալի և խելոք տղա է»⁴:

Ս. Սպանդարյանի ուղադրությունը, սակայն, ամբողջովին կլանված էր Ռուսաստանում տեղի ունեցող իրադարձություններով և արդեն երեք ամիս անց՝ 1905-ի հունիսին, նա վերադառնում է Թիֆլիս, ընտրվում ՌՍԴԲԿ Կովկասյան կոմիտեի անդամ և սերտ կապեր հաստատում Ստ. Շահումյանի հետ:

Որոշ ժամանակ անց՝ 1905 թ. վերջերին, Ս. Սպանդարյանը մեկնում է Մոսկվա և վերսկսում համալսարանական պարապմունքները: Շուտով վրա է հասնում դեկտեմբերյան դինված ապստամբությունը, որին ակտիվորեն մասնակցում է նաև Ս. Սպանդարյանը: Ապստամբությունը մասնակցելու համար բազմաթիվ ուսանողների հետ նա ևս վտարվում է համալսարանի իրավաբանական ֆակուլտետի 3-րդ կուրսից և 1906 թ. գարնանը վերադառնում Թիֆլիս: Այնտեղ նա լայն գործունեություն է ծավալում մասնավորապես հայ բանվորների մեջ: Ս. Սպանդարյանն ընտրվում է «Բոլշևիկների գրական բյուրոյի» կազմի մեջ և մեծ աշխատանք կատարում հայ բոլշևիկյան մամուլի ստեղծման ուղղությամբ: Ստ. Շահումյանի և Ս. Կասյանի հետ միասին նա խմբագրում է «Կայծ» և «Նոր խոսք» լեզալ թերթերը, որոնք հսկայական դեր խաղացին լենինյան գաղափարների տարածման, հայ աշխատավորության հեղափոխական զարթոնքի գործում: Հետագայում Ս. Սպանդարյանը դարձավ «Բակինսկի պրոլետարի», «Գուգուկ», «Բակինսկի ռաբոչի» և այլ բոլշևիկյան թերթերի ղեկավարներից մեկը:

Անդրկովկասի բոլշևիկյան կենտրոնի հանձնարարությամբ 1906 թ. ամռանը Ս. Սպանդարյանը ծագած գործադուլի կապակցությամբ մեկնում է Ալավերդի: Իր շուրջը համախմբելով գործույնյա, ակտիվ բանվորներին, այստեղ նա ստեղծում է գործադուլային կոմիտե, որի մեջ են մտնում աչքի ընկնող բանվոր բոլշևիկներ Ս. Փիրուկյանը, Ս. Վերմիշյանը և ուրիշներ: Բանվորական միտինգներում դիմելով գործադուլավորներին, Ս. Սպանդարյանը

³ Ս. Սպանդարյան, Երկեր, հ. 2, Երևան, 1959, էջ 286—287:

⁴ Մի հայկական մասնաճյուղի արխիվ, Ս. Սպանդարյանի ֆ., գ. № 610:



կոչ է անում ավելի ամրապնդել բանվորական շարքերի հեղափոխական միասնությունը: Մեկ ամիս տե՛ս այդ գործադուլը բանվորների համար դասակարգային կոմիտեան դպրոց հանդիսացավ: Այդ օրերին Ս. Սպանդարյանը խոշոր աշխատանք է կատարում նաև Գանձակում (Կիրովաբադ) ՌՍԴԲԿ V համագումարի նախապատրաստման ուղղությամբ: 1907 թ. հունվարին Ս. Սպանդարյանը փոխադրվեց Բաքու՝ կուսակցական անլեզու աշխատանքի: Բաքուն՝ բաղձազգ պրոլետարիատի այդ մշտավառ օջախը, նոր հորիզոններ է բացում Ս. Սպանդարյանի առաջ: Բաքվում Ս. Սպանդարյանը Ս. Օրջոնիկիձեի, Ա. Զափարիձեի, Վ. Ֆիոլետովի, Մ. Աղիզբեկովի և ականավոր այլ բոլշևիկների հետ միասին կանգնեց տեղի բանվորական շարժման գլուխ: Նա նշանակվեց Բաքվի արդյունաբերական խոշոր շրջաններից մեկի՝ Սև քաղաքի, կուսակցական կազմակերպիչ և անդուլ եռանդով պայքարեց իրագործելու Բաքվի կոմիտեի ցուցումները: «Բակինսկի ռաբոչի» թերթի խմբագրությունում Ս. Սպանդարյանը հաճախակի հանդիպումներ է ունենում Ստ. Շահումյանի, խմբագրական կոլեգիայի անդամներ Ա. Զափարիձեի, Ս. Յակուշևի, Վ. Սարատովցի, Ս. Նյուշինի և ուրիշների հետ: Բաքվի բոլշևիկներին հաջողվում է գաղափարական մարտերում մերկացնել մենշևիկների մանրբուրժուական էությունը, վիժեցնել Բաքվի պրոլետարիատին պառակտելու նրանց փորձերը: 1907 թ. մայիսի 5-ին Բաքվի բոլշևիկյան կոմիտեի խորհրդակցության ժամանակ ձերբակալվեցին նրա բոլոր մասնակիցները՝ թվով 19 հոգի, այդ թվում և Ս. Սպանդարյանը: Բանտից ազատվելուց հետո նա հսկայական աշխատանք ծավալեց Սև քաղաքում: Նա 1908 թ. մայիսի 1-ի վիթխարի գործադուլի կազմակերպիչներից ու ղեկավարներից մեկն էր: 1909 թ. օգոստոսի 28-ին Ս. Սպանդարյանը կրկին ձերբակալվում է. երեք ամիս Բաքվի բանտում պահվելուց հետո նրան արտաքսում են Դերբենդ, որտեղից էլ 1910 թ. փոխադրվում է Թիֆլիս:

Թիֆլիսում որպես կուսակցության տեղի կոմիտեի անդամ Ս. Սպանդարյանը կատարում է ընդհատակյա կուսակցական աշխատանք, պայքար կազմակերպում լիկվիդատորներին, տրոցկիստներին և օտոզլիստներին դեմ: Բոլշևիկյան պրոպագանդայի համար նա օգտագործում է լեզալ հնարավորությունները և համարձակորեն մերկացնում ցարիզմի ռեակցիոն էությունը: Նա թղթակցում է Թիֆլիսի «Նովայա բեչ» և «Կուրյեթ-կոպեյկա» թերթերին: Իր հոգովածներում Ս. Սպանդարյանը պրոլետարիատին խորհուրդ էր տալիս չվախենալ դժվարություններից, հաղթահարել «մեռյալ կետը», վստահորեն պատրաստվել հեղափոխության նոր վերելքին: Նա գտնում էր, որ հեղափոխության ժամանակավոր անկման պահին չպետք է ընկնել ռեակցիոն պրոպագանդայի ազդեցության տակ և կոչ էր անում ամրապնդել կապը մասսաների հետ, քաղաքականապես լուսավորել նրանց: «Նամականեր քաղաքային ինքնավարության մասին» հոդվածում Ս. Սպանդարյանը գրել է. «Պատմությունը քել և դրել է մեզ անհրապույր մի կացության մեջ, բայց միթե այդ պատճառով մենք պիտի ծալենք մեր «հզոր ձեռքերը դատարկ կրծքերի վրա»: Ընդհակառակը, — աշխատել և աշխատել ամեն տեսակ պայմաններում»⁵:

1911 թ. փետրվարին Ս. Սպանդարյանը մասնակցում է ժողովրդական համալսարանների Թիֆլիսի ընկերության անդամների ընդհանուր ժողովին և ելույթ է ունենում վարչության հաշվետու զեկուցման առթիվ: Այդ նույն ժամանակ նրա ղեկավարությամբ կազմակերպվեց Թիֆլիսի բոլշևիկյան խումբը՝ իրեն անվանելով Թիֆլիսի կազմակերպության վերականգնման կազմակերպական կոմիտե: Բոլշևիկյան այդ խումբը վերականգնեց կուսակցական անլեզալ բջիղները, հրապարակեց մայիսմեկյան թուլցիկ և «Ընկեր բանվորներ» կոչը: 1911 թ. օգոստոսին Ս. Սպանդարյանը մասնակցում է ՌՍԴԲԿ Թիֆլիսի խմբի ղեկավար խմբակի նիստին, որտեղ համակուսակցական կոնֆերանսի հրավիրման մասին զեկուցում է Ս. Օրջոնիկիձեն: Թիֆլիսի բոլշևիկները հա-

վանութիւն տվեցին համակուսակցական կոնֆերանսի հրավիրման մասին ՌՍԴԲԿ Կենտկոմի հունիսյան խորհրդակցութեան որոշմանը:

Աշխատանքի դժվարին պայմաններում Ս. Սպանդարյանն աներբ պայքարում էր հեղափոխական կուսակցութեան վերականգնման համար: Նա առանձնապես լայն գործունեութիւն է ծավալում կուսակցութեան VII Պրագայի, կոնֆերանսի հրավիրումը նախապատրաստելու ուղղութեամբ: Ս. Սպանդարյանն ընտրվում է կոնֆերանսի նախապատրաստման Ռուսաստանյան կազմակերպական հանձնաժողովի (ՌԿՀ) անդամ, որը կազմվեց Վ. Ի. Լենինի նախաձեռնութեամբ՝ 1911 թ. աշնանը: Հանձնաժողովի աշխատանքները գլխավորում էր Ս. Օրջոնիկիձեն: Որպես ՌԿՀ-ի անդամ, Ս. Սպանդարյանը շրջագայում է մի շարք քաղաքներ, լինում է Մոսկվայում, Պետերբուրգում, Ռիգայում, կազմակերպում կուսակցական կոնֆերանսի պատգամավորների ընտրութիւնը, պայքարում լիկվիդատորների դեմ, որոնք ամեն միջոցի դիմում էին՝ կոնֆերանսի գումարումը վիժեցնելու համար: Բաքվի կազմակերպութեան պատգամավոր Ս. Սպանդարյանը 1912 թ. հունվարին մեկնում է արտասահման, սկզբում Փարիզ, ապա՝ Պրագա:

Ս. Սպանդարյանը Պրագայի կոնֆերանսում առաջին անգամ հանդիպում է Վ. Ի. Լենինի հետ, և նրանց միջև հաստատվում է ջերմ բարեկամութիւն: Կոնֆերանսում Ս. Սպանդարյանը հանդես է դալիս Անդրկովկասի բոլշևիկյան կազմակերպութիւնների գործունեութեան մասին դեկլացումով:

Պրագայի կոնֆերանսը կուսակցութեան կյանքում փաստորեն համագումարի նշանակութիւն ունեցավ և մեծ դեր խաղաց բոլշևիկյան կազմակերպութիւնների ամրապնդման գործում: Ընտրվեց բոլշևիկյան կուսակցութեան Կենտրոնական կոմիտե՝ Վ. Ի. Լենինի գլխավորութեամբ: Վ. Ի. Լենինի առաջարկութեամբ Պրագայի կոնֆերանսում Ս. Սպանդարյանն ընտրվեց Կենտկոմի և նրա Ռուսական բյուրոյի անդամ:

Կոնֆերանսից անմիջապես հետո Ս. Սպանդարյանը Վ. Ի. Լենինի և Կենտկոմի մյուս անդամների հետ մեկնեց Լայպցիգ՝ կատարելով Կենտկոմի կարևոր հանձնարարութիւններ: Վ. Ի. Լենինի հանձնարարութեամբ Ս. Սպանդարյանը և Ն. Պոլետաևը մեկնում են Բեռլին՝ բոլշևիկյան դրամական միջոցները Կաուցկուց ետ ստանալու համար: Շուտով Բեռլին եկավ նաև Վ. Ի. Լենինը, որտեղ միջոցառումներ ձեռնարկվեցին Ռուսաստանում կոնսպիրատիվ կուսակցական գրականութեան առաքման գործը կարգավորելու ուղղութեամբ: Այդ գործում Ս. Սպանդարյանը ներգրավեց իրենց ընտանիքի վաղեմի բարեկամ Ոսկի Տեր-Հովհաննիսյանին, նախապես նրան ծանոթացնելով Վ. Ի. Լենինի հետ: Ոգևորված կոնֆերանսի որոշումներով և Վ. Ի. Լենինի հետ ունեցած հանդիպումներով, Ս. Սպանդարյանը Կենտկոմի որոշմամբ հանդես եկավ Մերձբալթիան երկրամասում, Պետերբուրգում և Անդրկովկասում տեղի բոլշևիկյան կազմակերպութիւններին հաղորդակից դարձնելով Պրագայի կոնֆերանսի որոշումների մասին: Բաքվի Բալխանի կոչվող թաղամասում 1912 թ. մարտի 18-ին տված զեկլուցման ժամանակ Ս. Սպանդարյանը ձերբակալվում է և բերվում Թիֆլիս՝ Մետեխի բանտ: Վ. Ի. Լենինը և Ն. Կրուպսկայան 1912 թ. մայիսի 5-ին այցելում են Բեռլինում ապրող Ս. Սպանդարյանի հորը՝ որդու ձերբակալման մանրամասնութիւններն իմանալու համար: Այդ մասին Ն. Կրուպսկայան իր հուշերում գրել է. «Սուրենի հայրը, հիվանդ ծերունի, ապրում էր միայնակ ու աչքաթող... Իլիշը չափազանց խղճաց ծերունուն, իսկ Բաքվից ստացված լուրերը ուրախայի չէին: Սուրենը նստած էր բանտում սաստիկ ծանր պայմաններում... Երբ վերադարձանք տուն, Իլիշը անմիջապես նստեց նամակ գրեց Ոսկուն՝ խնդրելով, որ հոգ տանի երկու Սպանդարյանների մասին»:

Ահա մի քաղվածք Ոսկի Տեր-Հովհաննիսյանին Վ. Ի. Լենինի գրած նամակից:

«5/5, 12 Փարիզ...»

Զգիտեմ, հայտնի՝ է, արդյոք, Ձեզ մի տխուր լուր մեր ընդհանուր բա-
րեկամի՝ Սուրեն Սպանդարյանի մասին, որն ինձ Ձեզ հետ ծանոթացրեց Բեռ-
լինում։ Նա Բաքվում ձերբակալված է։ Նրա կիներ գրում է հորը, որ նրա մա-
սին հոգ տանող չկա... Մարդ չկա, որ նրան կաթ տանի և այլն։ Հայրն ինձ
ասաց, որ ինքը Բաքվում շատ ծանոթներ ունի և որ մեկին գրել է։ Ինչո՞ւ
միայն մեկին՝ չգիտեմ։ Սպանդարյանի հայրը ապրում է այստեղ։ Նա շատ
հիվանդ է և ծեր տեսք ունի... Նրա դրուժյունը շատ տխրալի է, նույնիսկ հու-
սահատական։ Մենք նրան մի փոքր փոխատվությամբ օգնեցինք, բայց ես,
այնուամենայնիվ, վճռեցի գրել ձեզ։ Հավանական է, որ դուք Սպանդարյանի
ծանոթներին և բարեկամներին գիտեք թե Բաքվում և թե Փարիզում...

Հույս ունեմ, որ Դուք կանեք՝ ինչ կարող եք՝ երկու Սպանդարյանների
համար և այդ մասին մի երկու խոսք կգրեք ինձ... Միտանց ցանկանում եմ
ամենայն բարիք և սեղծում եմ Ձեր ձեռքը։ Ձեր լենին»⁷։

1913 թ. մայիսին Ս. Սպանդարյանը, Ե. Ստասովան, Վ. Շվեյցերը
և ուրիշներ, Թիֆլիսի դատաստանական պալատի որոշմամբ, դատապարտ-
վում են ցմահ աքսորի՝ Սիբիրում։ Իսկ նույն թվականի աշնանը Ս. Սպան-
դարյանին և նրա ընկերներին շղթայակապ աքսորում են Սիբիր։

1913 թ. հոկտեմբերի 10-ին աքսորյալները հասան Կրասնոյարսկ։
Սպանդարյանին նետեցին տեղի փոխադրական բանտը, իսկ մի քանի օր անց
ուղարկեցին նշանակված աքսորավայրը՝ Ծնիսեյսկի նահանգի Կանսկ գա-
ւուռի իննդկենսուսկայա գյուղը։ Նա այստեղ ևս աքսորյալների ու տեղի բնակ-
չուժյան շրջանում հեղափոխական գործունեություն ծավալեց։ Բացի այդ,
սկսեց ազգային հարցի մասին աշխատություն գրել։

Աքսորավայրում էլ Ս. Սպանդարյանը շարունակում էր գրավոր կապ
պահպանել Վ. Ի. Լենինի և Ն. Կրուպսկայայի հետ։ 1914 թ. մարտի 15-ին
Վ. Ի. Լենինին հղած նամակում Ս. Սպանդարյանը գրում էր. «Ես, այնուամե-
նայնիվ, հաստատապես հուսով եմ, որ օրը» հեռու չէ և որ մենք դեռ կպատ-
րաստվենք գործի համար։ Առայժմ այստեղից, որքան հաջողվում է, հետե-
վում եմ բոլոր իրադարձություններին, և սիրտս հրճվում է»⁸։

1914 թ. ապրիլին Ս. Սպանդարյանն անձամբ շրջելով մերձակա դյուղե-
րը, աքսորաբանի ընկերներին նախապատրաստում էր պրոլետարիատի
միջազգային մեծ տոնը՝ Մայիսի 1-ը, նշելու համար։ Այդ առթիվ աքսորա-
կան Վ. Խաչատրյանը 1914 թ. մայիսի 26-ի նամակում Ա. Շահինյանին
դրել է. «Սուրեն Սպանդարյանը... ապրիլի 26-ին եկավ մեզ մոտ հյուր
և խնդրեց մայիսի 1-ին լինենք իրենց մոտ, որպեսզի միասին տոնենք մեր
մեծ տոնը։ Չորս օր անց ես և Արմենուհին գնացինք Սուրենի մոտ... Մայի-
սի 1-ի առավոտյան բոլոր ընկերները, թվով 17 հոգի, հավաքվեցինք Սուրենի
սենյակը... Մայիսի 1-ը անցավ շատ ուրախ...»⁹։

Աքսորականների միջև փախդարձ կապ պահպանելու և նրանց հա-
մախմբելու համար ընտրվում է ինֆորմացիոն բյուրո՝ Ս. Սպանդարյանի
գլխավորությամբ։ Այդ նույն ժամանակ կայացած Կենտկոմի արտասահման-
յան խորհրդակցությունը որոշում է հրավիրել ՌՄԳԿ համագումար։ Այդ
նպատակով անհրաժեշտ էր կազմակերպել Կենտկոմի աքսորում եղած ան-
դամների՝ Յա. Սվերդլովի, Ի. Ստալինի, Ս. Սպանդարյանի և մյուսների փա-
խուստը։ Այդ գործը հանձնարարվեց Ռ. Մալինովսկուն, որը, ինչպես հետա-
գայում պարզվեց, բուլշևիկների շարքերը սողոսկած պրոլոկատոր էր։

Նրբ ցարական իշխանություններին Ռ. Մալինովսկու միջոցով հայտնի
դարձավ այդ մասին, ոստիկանական ղեկարարամենտից անմիջապես Կրաս-
նոյարսկ, Կրասնոյարսկից Ծնիսեյսկ և Տուրուխանյան երկրամասի ժանդար-

⁷ Ս. Սպանդարյան, Երկեր, հ. 2, էջ 362—363։

⁸ Նույն տեղում, էջ 304—305։

⁹ В. С. Смексузян, Сурен Спандарян, Красноярск, 1982, с. 55—56.

մական բաժանմունքները ուղարկվեցին հեռագրեր և շտապ գրություններ¹⁰։ Կայսրության ժանդարմական ապարատը մոբիլիզացվեց, Ենի-սեյսկի ժանդարմական վարչության պետը 1914 թ. մայիսի 13-ին հաղորդում էր, որ «Պերովսկի վոլոստի աքսորաբնակ Սուրեն Սպանդարով Սպանդարյանը պատրաստվում է փախչել և բացի այդ, կազմակերպության կողմից նրան հանձնարարված է նյութեր պատրաստել օգոստոս ամսին Վիեննայում դումարվելիք համագումարի համար»¹¹։ Ժանդարմական վարչությունների ստացած մի մատնագրում Ս. Սպանդարյանը բնութագրվում էր որպես «կատաղի լենինյան», «շատ լուրջ սոցիալ-դեմոկրատ»¹²։

Ս. Սպանդարյանը հատուկ կարգադրությամբ մայիսի 26-ին Կանսկի գավառից տեղափոխվեց Տուրուխանյան երկրամասի Մոնաստիրսկոյե գյուղը (այժմ՝ Նովո-Տուրուխանսկի), ուր աքսորված էին Ի. Ստալինը և Յա. Սվերդլովը։ Նա տանջալից ճանապարհ անցավ մինչև նոր աքսորավայր հասնելը։ «Նա արդեն Տուրուխանյան երկրում եմ և ճաշակում եմ նրա բոլոր հրաշալիքները»¹³, — գրել է Ս. Սպանդարյանը կնոջը՝ 1914 թ. հուլիսի 25-ին։

Պետք էր ունենալ կամքի ուժ, անսահման հավատ լավագույն ապագայի նկատմամբ, որպեսզի աքսորականը դիմանար տուրուխանյան ժանր պայմաններին։ Ս. Սպանդարյանի միակ մխիթարանքը կնոջ, երեխաների, ընկերների նամակներն էին։ Նա ջերմ սիրով էր պատասխանում իր դպրոցական երեխաների նամակներին, առաջին հերթին զգուշացնում, խնդրում՝ լսել մայրիկին, օրինակելիորեն կատարել նրա բոլոր հանձնարարությունները, համառ աշխատանքով բարձրացնել գնահատականները։

Երկրորդ աքսորավայրն արդեն մահվան դատավճիռ էր Ս. Սպանդարյանի նկատմամբ։ Մոտենում էր 1916 թ. ամառը։ Միայն այն բանից հետո, երբ ցարական ժանդարմները համոզվեցին, որ Ս. Սպանդարյանն ապրում է իր վերջին օրերը, նրան թույլ տրվեց Տուրուխանյան երկրամասից դուրս գալ։ Ս. Սպանդարյանը Մոնաստիրսկոյե գյուղից Ենիսեյսկ մեկնելուց անմիջապես հետո՝ հուլիսի 11-ին, իր դուստր Մարիային գրել է. «Թանկագին բալիկ։ Ես Ենիսեյսկում եմ, պակած եմ անկողնում... Վատ, շատ վատ եմ զգում ինձ... Գոնե դուք մխիթարեցեք ձեր նամակներով և հանդստացրեք իմ հիվանդ և ըմբոստացած սիրտը»¹⁴։ Այդ վիճակում էլ նա հոգով առույգ էր, կամքով՝ անընկճելի։ Դրա ապացույցն է 1916 թ. մայիսի 28-ին Վ. Ի. Լենինին և Ն. Կրուպսկայային հասցեագրված նրա նամակը, որտեղ, արտահայտելով իր և ընկերների հաստատակամությունը, վճռականությունը, նա գրում էր. «Թանկագին ընկերներ։ Ձեզ ամենաբոցավառ ողջույն ենք հղում մեր սառն երկրներից։ Մենք հոգով արի ենք և նույնը ցանկանում ենք Ձեզ...»¹⁵։

Ս. Սպանդարյանը փոխադրվեց Կրասնոյարսկ, քաղաքային հիվանդանոց։ Նա հույս ուներ տեղական բժիշկների օգնությամբ բուժվելու, բայց արդեն ուշ էր։ Այլևս ոչինչ ի վիճակի չէր փրկելու մեծ հեղափոխականի կյանքը։ 1916 թ. սեպտեմբերի լույս 11-ի առավոտյան Ս. Սպանդարյանը մահացավ և աքսորական ընկերների կողմից թաղվեց քաղաքի գերեզմանատանը։ Ս. Սպանդարյանի մահվան առթիվ Ստ. Շահումյանը գրել է. «Շայ իրականության համար Սուրեն Սպանդարյանը, իր կյանքով և իր մահով մի նոր երևույթ է... Սուրենը՝ Ռուսաստանի նոր համապետական կյանքի, ավելի հեռու, միջազգային կյանքի միջավայրի ծնունդն էր... Սուրենը չկա այլևս։ Խոնարհվե՛ք մեր ընկած ընկերոջ հիշատակի առաջ... և շարունակենք այն գործը, որի համար նա ապրեց և մեռավ...»¹⁶։

¹⁰ «Ս. Սպանդարյան. հոգվածներ, նամակներ, փաստաթղթեր», Երևան, 1939, էջ 402—403։

¹¹ Նույն տեղում։

¹² Նույն տեղում, էջ 405—406։

¹³ Նույն տեղում, էջ 420։

¹⁴ Նույն տեղում, էջ 410—411։

¹⁵ Նույն տեղում, էջ 409։

¹⁶ Ստ. Շահումյան, ԵՄ, հ. 3, էջ 60—61։

Ս. Սպանդարյանը մեռավ տակավին երիտասարդ հասակում իր փայլուն տաղանդի բուռն ծաղկման շրջանում:

Ս. Սպանդարյանի գրական-հրապարակախոսական ժառանգությունը կարևոր արժեք ունի մեր դարի առաջին տասնամյակի հայ և Անդրկովկասի իրականության հասարակական-քաղաքական կյանքի ուսումնասիրման համար: Ս. Սպանդարյանը բոցաշունչ հրապարակախոս էր: Նրա ժուռնալիստական-հրապարակախոսական գործունեությունն առավել մեծ թափ ստացավ ռուսական առաջին հեղափոխության և հեղափոխական նոր վերելքի տարիներին: Նա բացառիկ ուժով սկսեց օգտագործել բոլշևիկյան հրապարակախոսության սուր ղեկը՝ հանուն քաղաքական ճիշտ կողմնորոշման:

Իր կարճատև կյանքի ընթացքում Ս. Սպանդարյանը գրել է բաղմամբով ակնարկներ, ժուռնալիստական նոթեր և այլ հոդվածներ: «Կայծի» էջերում տպագրած իր հոդվածներում նա անողորմաբար մերկացնում էր ինքնակալությանը, հեղափոխության թշնամիներին, հանգես բերում գաղափարական կոիվ մղելու բացառիկ ուժ և տաղանդ: Ս. Սպանդարյանը հավատում էր լցված հեղափոխության հաղթանակի նկատմամբ: Դեռևս 1906 թ. հունիսին նա գրել է, որ սոցիալիստական հեղաշրջման հարցն անխուսափելիորեն վաղվա հարց է դարձել:

Բոլշևիկ-հրապարակախոսի հետաքրքրությունների շրջանակը մեծ էր ու լայն: Նա անդրադարձել է ինչպես օրվա հրատապ հարցերին՝ ներքին ու արտաքին կյանքում կատարվող կարևոր տեղաշարժերին, այնպես էլ գրականության, արվեստի ու մշակույթի հետ կապված բաղմամբով խնդիրներին: Այստեղ ցայտուն կերպով դրսևորվել են Ս. Սպանդարյանի բարձր պատրաստականությունը, մեծ ձեռնդրն ու կրքոտությունը:

Սուր. Շահումյանի և Ս. Կասյանի հետ միասին նա ձեռնամուխ եղավ հայ բոլշևիկյան մամուլի ստեղծման ու դարգացման գործին՝ իր պրակտիկ հեղափոխական աշխատանքը զուգակցելով տեսական-հրապարակախոսական գործունեության հետ: Հրապարակախոսությունը և ժուռնալիստիկան եղել են նրա տարրերը, կենսական պահանջը: Նա ուներ բեղմնավոր գրիչ և կարողանում էր արագորեն արձագանքել օրվա դեպքերին, պրոլետարիատի դասակարգային տեսակետից գնահատել իրադարձությունները: Լենինյան շնչով զրկված նրա հոդվածները բոլշևիկյան մարտական հրապարակախոսության փայլուն նմուշներ են, որոնք ընդգրկում են հարցերի լայն շրջանակ: Հեղափոխության մասին մարքս-լենինյան տեսության, բոլշևիկյան կուսակցության ստրատեգիայի ու տակտիկայի, գյուղացիության, ազգային-ազատագրական շարժումների նկատմամբ պրոլետարիատի վերաբերմունքի, նոր տիպի մարքսիստական կուսակցության կազմակերպական սկզբունքների, արհեստակցական միությունների, զանազան դասակարգերի ու կուսակցությունների քաղաքականության գնահատման, մշակույթի, կրթության, գրականության, թատրոնի և բաղմամբով այլ հարցերի է անդրադարձել Ս. Սպանդարյանը: Նա ըստ չէր թողնում աշխատավորական լայն զանգվածներին հաղորդակից լինելու ոչ մի հնարավորություն, թշնամիներին մերկացնելու ոչ մի առիթ: Այդ տեսակետից նա վարպետորեն օգտագործում էր ժամանակակից թե՛ լեզու և թե՛ անլեզու մամուլը:

Ս. Սպանդարյանի գործունեության սկզբնական շրջանի հոդվածների զգալի մասը նվիրված է ռուսական առաջին հեղափոխությունում բոլշևիկյան կուսակցության տակտիկայի պրոպագանդային ու պաշտպանությանը: «Դարձյալ ամառիստիայի մասին», «Հեղափոխության ալիքը բարձրանում է», «Ներկա մոմենտը», «Պետական դումայի ընտրությունների շուրջը» և մի շարք այլ հոդվածներում Ս. Սպանդարյանը մերկացնում էր մենշևիկների օպորտունիզմը տակտիկական հարցերում, սահմանադրական պատրանքներ սերմանելու վնասակարությունը, հիմնավորում համաժողովրդական ղեկված ապրտամբության միջոցով ցարիզմի տապալման անհրաժեշտությունը: Այդ շրջանում դրված հոդվածներում նա նաև պաշտպանում էր ազդարարային հարցում

բողլեհիկյան ծրագիրը, պրոպագանդում բանվոր դասակարգի ու գյուղացիության դաշինքի անհրաժեշտությունը և լուսաբանում կուսակցական կազմակերպությունների խնդիրները գյուղում: Տեղին է նշել, որ նա անմիջապես զբաղվել է նաև կուսակցական շինարարության պրակտիկ հարցերով:

«Բանվորական պրոֆեսիոնալ միությունների մասին», «Պրոֆեսիոնալ միությունները և Հ. Հ. Դաշնակցությունը» և մյուս հոդվածներում Ս. Սպանդարյանը լուսաբանում էր արհեստակցական միությունների նկատմամբ բողլեհիկների դիրքը և քննադատում մենշեիկների և բուրժուազգայնական կուսակցությունների հայացքներն արհմիութենական շարժման հարցերում:

«Բակինսկի ռաբոշի» թերթի 1908 թ. հոկտեմբերի 4-ի համարում տպագրած «Հերթական խնդիրները» հոդվածում Ս. Սպանդարյանը տալիս էր նալիթային արտադրության և նալիթադրուսաբերական պրոլետարիատի դրության ցայտուն վերլուծությունը հեղափոխության պարտությունից հետո և նշում նոր իրադրության պայմաններում կապիտալիզմի դեմ պայքարելու համար արհմիություններում գործադուլային ֆոնդեր ստեղծելու անհրաժեշտությունը: «Բաքվի բանվորական շարժման մեջ,— գրում էր նա,— անշուշտ շրջադարձ է նկատվում... Սկսվում է մի նոր դարաշրջան: Այդ է վկայում մեր գործադուլային նալիթադրուսաբերական կյանքի յուրաքանչյուր օրը, այդ են ցույց տալիս կապիտալի հարձակման և բանվորների նահանջի փաստերը»¹⁷: Այնուհետև Ս. Սպանդարյանը նշում էր, որ «Այժմյան պայմաններում գործադուլային ֆոնդ ստեղծելու խնդիրը պետք է լինի հրամայական և անհեռաձգելի»¹⁸:

«Բանվորների ինքնակրթության ընկերությունները» հոդվածում նա բանվորներին կոչ էր անում անողոք պայքար հայտարարել բուրժուական ռեակցիոն գաղափարախոսությանը, հրաժարվել բուրժուական ընկերություններից ու հիմնել իրենց զուտ պրոլետարական ընկերությունները: «Գիտակցությունը,— գրում էր նա,— բանվոր դասակարգի պայքարի հաջողության կարևորագույն պայմաններից մեկն է: Յուրաքանչյուր կազմակերպության համար հիմնաքարը, այդ նրա անդամների գիտակցությունն է...»¹⁹:

Լինելով խորապես կրթված մարքսիստ, Ս. Սպանդարյանը մեծ ուշադրություն էր նվիրում գիտական սոցիալիզմի գաղափարների պրոպագանդմանը: «Գործազրկության մասին» հոդվածում նա խոսում է մարքսիստական ուսմունքի, արտադրության կապիտալիստական ձևի, նրա հիմնական հակասությունների հասարակության հեղափոխական վերակառուցման ուղիների մասին: Ս. Սպանդարյանը բուրժուական ազգայնականության վճռական թշնամի էր: Ինչպես հայ հասարակական մտքի մյուս բնագավառների, նույնպես և գրականության նկատմամբ Ս. Սպանդարյանը, կիրառելով կուսակցականության լենինյան սկզբունքը, ամբողջ սրությամբ առաջ քաշեց ազգայնականության և ազգային սահմանափակության դեմ անողոք պայքարի խնդիրը: Այդ մասին Ս. Սպանդարյանը գրում էր. «Հայ իսկական դեմոկրատական ինտելիգենցիան պետք է գրականությունը մոտեցնի ժողովրդին, այն դարձնի ժողովրդական՝ բառիս իսկական իմաստով, և այն ժամանակ իրենց գրողներին կմեծարեն ընակչության լայն խավերը...»²⁰:

Նա խորին ակնածանքով ու ջերմությամբ էր խոսում ռուսական առաջավոր գիտության ու գրականության մասին: «Թիֆլիս, 13 հունվարի» վերնագրով հոդվածում, որը գրված է Մոսկվայի համալսարանի 156-ամյակի առթիվ, Ս. Սպանդարյանն անդրադառնում է ռուս մեծ հեղափոխական դեմոկրատներ Վ. Բելինսկու, Ա. Գերցենի, Ն. Օգարևի և ռուսական կյանքի այլ շահերի պատմական մեծ դերին:

17 Վ. Ավետիսյան, Սուրեն Սպանդարյան, Երևան, 1951, էջ 128—129:

18 Նույն տեղում, էջ 130:

19 Նույն տեղում:

20 «Новая речь», 1910, № 96.

Ս. Սպանդարյանի մահահոգության առարկան էին ոչ միայն աշխատավորական բնակչության կրթության ու լուսավորության հարցերը, այլև մատաղ սերնդի, մանուկների ու պատանիների դաստիարակության, կրթության խնդիրները: Իր հոգվածներից մեկում նա գրել է. «Ոչ թե հնչում ֆրազներով, այլ անդուլ աշխատանքով, մեր ամենօրյա համեստ աշխատանքով, մեր ուժերի ներածին չափ ու ողջ մեր գիտակցությամբ ծառայենք մեր բազմացնող ու բազմատանջ երկրամասի ժողովրդական մասսաների հասարակական ինքնագիտակցության արթնացման ու զարգացման գործին»²¹:

Ս. Սպանդարյանը հետևողական ինտերնացիոնալիստ էր, ժողովուրդների բարեկամության ջերմ պաշտպան: Նա մշտապես պայքարելով աղաչանականության դեմ, պրոպագանդում էր պրոլետարական ինտերնացիոնալիզմի գաղափարներ, բազմազգ աշխատավորներին դաստիարակում եղրայրական համերաշխության ու միասնության ոգով: Իր հոգվածներում նա խառաղանում էր հայկական իրականության մթնոլորտը թունավորող բոլոր կարգի ազգայնականներին: Նրա յուրաքանչյուր հոգվածը դիպուկ հարված էր բանվոր դասակարգի թշնամիներին: «Կովկասում ապրող բոլոր ազգությունների ոտորին խավերը,— գրել է Ս. Սպանդարյանը,— միմյանց հետ ամրապես զոդված են նյութական կարիքի այն կապերով, որ ընդհանուր են նրանց բոլորի համար...»²²:

Առանձին հետաքրքրություն են ներկայացնում Ս. Սպանդարյանի նամակները Վ. Ի. Լենինին և իր հարադատներին: Ս. Սպանդարյանի գրական ժառանգությունը վկայում է անվնճեր հեղափոխականի մեծ կամքը, նրա անսահման նվիրվածությունը կուսակցությանը, Վ. Ի. Լենինին, բանվոր դասակարգին, նրա համոզվածությունը լենինյան գաղափարների հաղթանակին: «Ես և կուսակցության Կենտրոնի բոլոր աշխատողները Սուրեն Սպանդարյանին ճանաչում էինք 1908—1909 թվականներին: Շատ գեղամտելի ու աչքի բևեռող աշխատող էր, ...նշանավոր հեղափոխական...»²³: Այս տողերը Վ. Ի. Լենինը գրել է 1921 թ. հունիսի 11-ին՝ ՌԿ(բ)Կ Կենտկոմի քարտուղարությանն ուղղած նամակում:

Այն, ինչ կատարեց Ս. Սպանդարյանը հեղափոխության համար, վաղ կերպով ապրում է սովետական ժողովրդի սրտում, ժողովուրդ, որը մեծարում է իր անվնճեր զավակներին:

БЕССТРАШНЫЙ РЕВОЛЮЦИОНЕР

(К 100-летию со дня рождения Сурена Спандаряна)

РЕВИК ЕЗЕКЯН

Резюме

Исполнилось 100-летие со дня рождения Сурена Спандаровича Спандаряна—ученика и соратника В. И. Ленина, выдающегося деятеля Коммунистической партии, пламенного публициста.

Славный путь борьбы прошел бесстрашный революционер С. Спандарян, который органически сочетал каждодневную практическую работу с вдумчивой теоретической деятельностью, с творческим применением и развитием марксистско-ленинской теории.

Образ и героическая жизнь Спандаряна, верного ленинца, профессионального революционера служат примером безграничной преданности делу Коммунистической партии, революции, делу освобождения трудящегося народа.

²¹ «Листок Копейка», 1910, № 1.

²² «Курьер Копейка», 1910, № 104.

²³ Վ. Ի. Լենին, Երկեր, հ. 45, էջ 159—160: